

PRÈMIU DE POESIA IN LIMBA SARDA “IN SARDA RIMA” annu 2024 Prima editzione

Faina fata gràtzias a s’Avisu R.A.S. Tu.Li.S. 2023 - L. 482/1999 e L.R. 22/2018

Intro de sas fainas de su progetu “*Guilcieri in limba sarda*” s’Unione de sos Comunes de Guilcieri, a manos de pare cun sa Sotziedade Cooperativa *l’Altra Cultura* de Aristanis e cun s’Assòtziu *Poetas Improvvisadores* de llartzi, at cuncordadu sa prima editzione de su Prèmiu de poesia in limba sarda “*In sarda rima*”.

Sunt amitidas a su prèmiu de poesia custas formas poèticas: **mutu, otada, tertzina, cuartina e soneto**, iscritas in cale si siat variedade de sa limba sarda (sunt esclùdias sas òperas iscritas in sas àteras limbas de Sardigna: tataresu, aligheresu, gadduresu e tabarchinu).

REGULAMENTU

ART. 1

Su prèmiu est partzidu in 2 setziones:

SETZIONE 1 Poesia a tema liberu pro sos pitzocheddos chi frequentant s’iscola segundària de primu gradu e s’iscola segundària de segundu gradu in sos Comunes de Guilcieri, chi ant a pòdere cuncurrere a sa sola, in còpia o in grupos piticos, o comente classe.

SETZIONE 2 Poesia a tema liberu aberta a totu sos poetas interessados.

ART. 2

Si podet leare parte a una setzione ebbia, cun un’òpera ebbia, intra de sa formas poèticas de su: *mutu, otada, tertzina, cuartina e soneto* iscrita in cale si siat variedade de sa limba sarda (sunt esclùdias sas òperas iscritas in sas àteras limbas de Sardigna: tataresu, aligheresu, gadduresu e tabarchinu).

Si racumandat de respetare su limite màssimu de **32 versos**.

ART. 3

Pro partetzipare a su prèmiu non si pagat nudda e tocat a atzetare e a connòschere sas normas de custu regulamentu.

ART. 4

Sas òperas divent èssere inèditas e mai presentadas a àteros cuncursos literàrios. Sas òperas mandadas non ddas ant a torrare e s’ant a pòdere impreare pro iscopos culturales sena paga peruna pro sos autores. In casu de publicatzione sa giuria at a pòdere fàghere curretziones ortogràficas.

ART. 5

Ant a èssere premiados sos primos tres classificados de ònnia setzione.

SETZIONE 1

1° prèmiu € 300,00
2° prèmiu € 200,00
3° prèmiu € 100,00

SETZIONE 2

1° prèmiu € 300,00
2° prèmiu € 200,00
3° prèmiu € 100,00

Sos binchidores ant a èssere avisados in tempus pro mesu de una telefonada. Sa manifestatzione de agabbu e sa premiatzione s'at a fàghere in llartzi in su mese de santandria de su 2024 in die de stabilire.

ART. 6

Sas òperas ddas at a giudicare una Giuria de espertos de limba sarda e apassionados de poesia e su giuditziu de sa giuria non si podet cuntestare.

ART. 7

Onni partetzipante nch'at a dèvere mandare s'òpera sua, inèdita e mai presentada in antis a àteros cuncursos, a intro e no a pustis de su **31 de santugaine de su 2024**.

Sas òperas si nche podent mandare cun sa posta eletrònica a s'indiritzu guilcierinlimba@gmail.com
In s'ogetu de sa mail tocat a iscrìere "*PRÈMIU IN SARDA RIMA 2024*" e a pònnere sa setzione a in ue si leat parte.

Su testu de s'òpera nche cheret mandadu comente allegadu in file word, caràtere times new roman 12, e cheret firmadu cun unu pseudònimu.

In un'àteru file, allegadu a sa matessi mail, tocat a pònnere su pseudònimu, su nùmene e sambenadu de s'autore, s'indiritzu, su nùmeru de telèfono e su cunsensu a trattare sos datos personales cunformas a su Regulamentu UE 679/2016 (Dgpr).

Sas òperas si nche podent fintzas leare a manos a sa sede de s'Unione de sos Comunes de Guilcieri, carrera Matteotti n.77, llartzi, a s'Isportellu linguìsticu in sas dies e oras de abertura, dae su lunis a sa giòbia mangianu (9.30-12.00).

In sa busta tocat a pònnere n.5 còpias istampadas e su pseudònimu. In una busta a banda, serrada e posta a intro de s'àtera, nche cherent postas sas generalidades de s'autore (nùmene, sambenadu, indiritzu, nùmeru de telèfono e mail, su pseudònimu e su cunsensu a trattare sos datos personales cunformas a su Regulamentu UE 679/2016 (Dgpr). A chirru de foras de sa busta tocat a iscrìere "*PRÈMIU IN SARDA RIMA 2024*" e sa setzione a in ue si leat parte.

Est pretzisu a nàrrere ca sas maneras pro nche mandare sas òperas sunt duas ebbia: mandare a s'indiritzu e-mail chi amus naradu in antis, o leare a manos a s'Isportellu linguìsticu.

Pro informos:

Assòtziu Poetas improvvisadores

Cell. 328.4799251

Isportellu Linguìsticu de s'Unione de sos Comunes de Guilcieri

Cell. 349. 6025986

(dae su lunis a sa giòbia 09.30-12.00)